



Broj: 07-2-323-1/20 A.S.  
Sarajevo, 27.05.2020. godine

Bosna i Hercegovina  
Federacija Bosne i Hercegovine  
**SKUPŠTINA KANTONA SARAJEVO**  
Adresa: Reisa Dž. Čauševića broj 1  
71 000 Sarajevo

n/ r Predsjedavajućeg Skupštine Kantona Sarajevo

**PREDMET:** Odgovor na zastupničko pitanje, dostavlja se  
Veza Vaš broj: 01-04-12553-19/20 od 19.05.2020. godine

Dana 22.05.2020. godine Kantonalna javna ustanova za zaštićena prirodna područja zaprimila je dopis Skupštine Kantona Sarajevo, veza broj gornji, koji se odnosi na zastupničko pitanje zastupnice Neire Dizdarević, a koje je pokrenuto na 25. Radnoj sjednici Skupštine Kantona Sarajevo, održanoj dana 18.05.2020. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članovima 211. i 214. Poslovnika Skupštine Kantona Sarajevo. Gore imenovana zastupnica je na osnovu upita građana postavila zastupničko pitanje u vezi informacije o tome ko je zadužen za čišćenje izletišta na području Kantona Sarajevo. S tim u vezi dostavljamo slijedeći:

### **O d g v o r**

Kantonalna javna ustanova za zaštićena prirodna područja shodno članu 3. Odluke o osnivanju Kantonalne javne ustanove za zaštićena prirodna područja ("Sl. novine Kantona Sarajevo", broj 31/17), upravlja sa pet zaštićenih prirodnih područja, i to: Spomenik prirode "Vrelo Bosne", Spomenik prirode "Skakavac", Zaštićeni pejzaž "Bijambare", Zaštićeni pejzaž "Trebević" i Zaštićeni pejzaž "Bentbaša".


Skupština Kantona Sarajevo je shodno Zakonu o zaštiti prirode ("Službene novine Federacije BiH", broj 66/13) proglasila i dodijelila na upravljanje ovoj javnoj ustanovi zaštićene prirodne vrijednosti i to:

- kategorija IIIb Spomenik prirode (Skakavac i Vrelo Bosne) i
- kategorije V Zaštićeni pejzaž (Bijambare, Trebević i Bentbaša).

Dakle, na osnovu pokrenutog zastupničkog pitanja gore imenovane zastupnice, Kantonalna javna ustanova za zaštićena prirodna područja obavještava da je za čišćenje i uređenje ovih područja ista zadužena na način da se kontinuirano provode aktivnosti na održavanju higijene, i to na uređenju vodnih, livadskih i šumskih ekosistema, izgradnji i održavanju infrastrukture, te uređenju i održavanju kulturno – historijskih obilježja, a sve u skladu sa Planovima upravljanja i Programom zaštite, očuvanja, korištenja i promocije zaštićenih područja Kantona Sarajevo.

Bez obzira na okolnosti uzrokovane pandemijom COVIDA-19, zaposlenici Ustanove obavljaju svakodnevne aktivnosti održavanja i čišćenja zaštićenih područja Kantona Sarajeva. Poslovi su uobičajeni za ovo doba godine i sastoje se od niza intervencija u prostoru koje čine ukupan izgled područja urednim i cjelovitim. Radi se na onome što je primarni zadatak Ustanove, a to je zaštita i održavanje prirodnih vrijednosti. Aktivnosti su neodgodive i brojne, zahtijevaju angažman bez obzira na vanrednu situaciju. Građani koji će posjetiti područja Kantona Sarajevo nakon duže pauze nesumnjivo će uživati u svježini i ljepoti zaštićenih područja.

S poštovanjem,



DIREKTOR  
mr. sc. Osman Delić

Dostaviti:

1. Skupštini Kantona Sarajevo
2. Arhivi Javne ustanove